

除恐灾患经

百七十二
改八

48500



元祿九年丙子二月日重脩

皇圖 聖蹟 聖蹟 聖蹟

佛日 增輝 佛日 增輝

山城州天安寺法金剛院置



除恐灾患經

乞伏秦沙門釋

聖堅譯



改八

聞如是一時佛遊王舍城竹林精舍與四部
 弟子大衆俱會說上妙法尔時維耶離國癘
 氣疫疾威猛赫赫猶如熾火死亡無數無所
 歸趣魚方療救國王大臣長者居士婆羅門
 集會博議國遭灾患非邪所摧疫火所燒死
 亡無數當以何誼設何方便以除灾害婆羅
 門議言當於諸城門設祠祀壇或有議言當
 於城中四衢路頭立大祠祀攘却害氣或有
 議言當用白馬白駝白牛白羊白鷄白狗種
 種百頭而以祠祀鎮厭解除以攘却之時衆



會中有一長者名曰彈尼晉言奉佛五戒修

行十善為清信士諦證道跡時發議曰唯聽

所言國遭突患死亡無數如仁等議害生救

命豈得然乎以先世時所行不善今遭斯厄

當設方便以善攘惡永無苦別如何及倒所

害求安長夜受苦無有出期時諸大今問

明曰當設何誼才明對曰世有大怖身也

界天人師一切覆護慈愍衆生号曰為佛

獨步三界若能降致光臨國者突害可除大

衆聞之皆然其議莫不稱善才明又曰佛無

數劫修治六度布施無限國城財寶象馬車

乘頭目髓腦肌體妻子戒忍精進一心智惠

每生自剋不可計量以求佛道不為己身但
 為衆生救濟危厄消除衆患生老病死地獄
 鬼神畜生之苦今成佛道順其本誓周行濟
 救授甘露藥消除衆生今世後世苦毒之患
 永令獲安衆會咸曰如仁所言甚誠大快佛
 在王舍阿闍世王與吾國嫌豈當聽佛改
 此耶或復有言改謹聽佛來時才明曰佛身出
 世救衆生苦猶如虛空無所罣礙誰能制此
 猶如日光萬物萌生莫不蒙育佛憐國厄必
 來無疑但遣重使貢遺琦珍温辞雅謝詣阿
 闍世又別歸佛委命酸切心雖懷嫌信使賢
 重貢遺妙寶詞理柔輒事無不泰自古以來

鄰國不協還相侵叛皆由明使名實重責輒
 詞遜順而得和協展轉相謂思惟任使公時
 大衆國王大臣長者居士皆同意言唯清信
 士長者才明是佛弟子可以為使往行請佛
 所以者何先衆開建請佛之議便告才明唯
 仁可往詣王舍國與王相聞求請佛乘舍時
 才明受使欲往於時大衆皆起退坐乘舍時
 面叉手長跪五體投地以頂禮佛跪告才明
 佛天中天慈悲喜護加於群生唯隣鄙國遭
 遇大患疾病死亡猶猛野火焚燒草木普遭
 困厄幸佛世尊猶冥求曉寒願朝陽渴暑蔭
 飲病追良醫迷者求道唯願世尊垂降救濟



授甘露法令得蘇息於是才明受命為使詣
羅閱祇涉路逕達到王舍城詣門求通書命
貢遺時王聽現才明啓言奉使詣國前雖不
和無他重隙故先致虔除前不協俱綏萬民
佛興於世大慈普覆國有重患因命請佛唯
願大王勸佛迴光顧臨鄙國救濟災患改八
神祐王默思惟適欲留佛令不出國無理得
余非力所制佛以大慈普許十方等視憎愛
救濟為務以是之故不可留之便告才明可
詣佛所宜遺國命於是才明辭詣竹林行到
精舍見佛世尊盡虔禮敬五體投地右遶三
匝長跪叉手而白佛言維耶離國諸王大臣

長者居士遙禮佛足唯天中天普慈衆生莫
不蒙濟鄙國遭厄唯願世尊垂恩降光憐愍
苦厄今得蘇息時佛默然其許所請才明見
佛受諸許往歡喜無量時王舍國境內神祇
天龍鬼神知佛受請當詣他國莫不躁動慘
然不悅便現感應語其國王阿闍世曰伏惟
如何安然無憂於今不久當違離佛猶如嬰
兒失其二親喻行曠路斫失水漿譬如猛寒
亡失衣裳今佛當行國失恃怙其喻如是王
聞神祇降應說是情即愴然甚懷愁苦默然
思惟衆生頑愚志性鈍濁今離世尊安從復
得智惠之礪磨瑩鈍心誰當濟其塵勞重愆

宿世重責誰當誨除一切衆生重罪令輕吾
等久在生死牢獄重關所閉誰當復以正法
之鑰開生死獄重關牢閉吾等普為勞垢盛
陽暑熱所炙安從復得佛清涼教月精明珠
消除炎熱王即勅嚴駕出詣佛所稽首佛足
石遠三币却坐常位時佛為王說法改八化初
中竟善淨身口意清淨微妙王心歡喜又手
白佛須維耶離使請世尊承已許往心甚懷
慘無方留尊唯垂矜愍特受鄙請住宮三月
佛告王言衆生可傷若住三月何時當周衆
苦厄者吾無數劫苦身求道為衆生故願欲
成佛以甘露藥施於衆生今願已成猶如甯

人合和神藥欲救衆患值遇病者違其本誓而不授與則非良醫若在江側見漂流人亦往救度非賢士宜若於曠野見失路者不示正道是則非仁吾以大慈普愍衆生故遊諸國懸邑村落救濟衆苦賦甘露藥無恃者恃無歸者歸王重白佛唯垂慈恩許受二月佛故不許王重慙懃長跪又年垂白言命難可保猶露然燈遇無常風奄忽便滅今與佛別何時當復更覩尊顏幸受二月佛重不許王便投身於佛足下唯願世尊特加大慈與弟子衆許住一月世尊不忍即便許受王便還起心悅懷敬遠佛三而禮辭還宮勅厨饌

具百味之飯極令精好鮮甘香潔宮裏張旒
繒絲幡蓋雜寶床机統筵座具掃除繕治香
汁灑地象事辨畢明日時至王於正殿遙向
世尊燒香長跪佛天中天聖達知時願與聖
象迴降神光到宮蔬食於時世尊勅諸弟子
法服執器行詣王請佛與聖象集至王宮王
即盡虔改華香伎樂宮門迎佛入改就座王自
行水周徧聖象手自斟酌百味飯食鮮潔香
甘一切平等日日供養飯食卧具疾藥所須
令勅外宮治填道路種植行樹七行街路乃
至江水頓息帳幔及床座具嚴飾幡蓋猶如
天街更新造作五百七寶蓋維耶離國聞佛

當至亦復平治七疔階路種植行樹帳幔床
座國王大臣長者居士各從大眾出國迎佛
一月期滿佛與聖象出宮臨路王從大眾華
香散佛周徧覆地大眾來集猶秋水漲投于
大海白明月珠校七寶蓋王以恭敬手執奉
上以覆世尊佛與大眾尋路而前至江水側
時王上佛五百七寶蓋大海龍王亦復敬奉
五百七寶蓋恒水諸龍亦俱上佛五百七寶
蓋時天帝釋將諸天眾亦復獻佛五百七寶
蓋時維耶離大眾迎者服飾嚴麗青馬青車
青蓋青幡服飾皆青赤馬赤車服飾皆赤黃
馬黃車服飾皆黃白馬白車服飾皆白黑馬

黑車服飾皆黑色色殊別將從無數佛遙見
之告諸弟子欲知天帝出遊觀時威儀如是
維耶離國奉迎上佛五百七寶蓋各以其蓋
前至佛所各白佛言佛天中天普世覆蓋願
受蓋施佛受其施餘留一蓋時諸大眾心各
懷疑不審為是宿世積德行蓋之報海龍恒
龍忉利天帝維耶離國羅閱祇玉各各乘上
七寶妙蓋同時俱會又疑何故不受一蓋於
是阿難知眾懷疑長跪叉手前白佛言唯天
中天大眾並疑今日何緣有是二千五百七
寶寶蓋同時俱至奉上世尊為是前世善本
報乎今現福耶唯願世尊決一切疑佛告所以

改入

玉各各乘上

難一心專聽今當決除汝等所疑乃往過去

無央數劫時有轉輪聖王名曰摩調

晉言大典

主四域王有千子七寶導從王末少子見其

父王七寶御蓋還問母曰我當何時得服此

蓋以自光飾母言唯子王千子中汝最末小

若無大王太子柔嗣若太子崩以汝柔嗣展

轉千人汝骨朽腐未央得蓋重問母曰無蓋

望耶因聞有死歿骸當朽宿福追逮悚然心

恐唯人生世必當有死因報母曰唯願見聽

捨家學道母甚愍傷不違其願母告之曰聽

汝捨家若卿道成要還見吾尔乃相聽對曰

如勅道成當還即詣林藪除剃鬚髮被著法衣

服靜處勤修精進不懈竭盡塵勞成緣覺道
遊行諸國懸邑村落福度衆生所種善本忽
憶母要便上昇空猶如鴈王還本國宮與母
相見闔宮大小見道士神通莫不歡喜王諸
姝女八萬四千共請令住道士慈仁不逆一
切便受其請諸姝女輩於宮後園為設廬屋
止宿其中改舉宮庶養衣食床卧疾藥所須朝
暮禮事一切世間壯者皆老強健必病生者
皆死時辟支佛於其宮園便捨壽命舉宮姝
女薪油華香供養以禮斂骨起塔朝暮禮拜
燒香然燈時王大天巡四域還臨幸後園見
有此塔顧問侍臣何故有是姝女對曰此是八

聖王最下少子離家學道於此壽終為立是
塔因重發問是誰之子何緣捨家便召其母
而問之曰是卿子耶對曰唯尔又復問曰何
緣學道其母白王是兒往昔見王出遊即還
見問王七寶蓋不審何時在我上旋妾便告
言太子應繼承嗣聖王展轉平子汝骨朽敗
永無蓋望子聞妾言慘然畏死求行學道妾
輒聽之勤學道成妾等請住供養盡壽建立
此塔王復問曰子以蓋故行學道耶對曰如
是王愍其子不得蓋故學道盡壽生不得蓋
今便以蓋覆其塔上王因發願今以此蓋奉
得道塔緣是福報願成佛道濟度衆生生老

病死生心悚然知世非常無免死者因立大
子承嗣聖位王捨四城七寶千子八萬四千
後宮姝女剝除鬚髮行作沙門靜處學道修
四淨行慈悲喜護畢其永壽上生梵天佛告
大衆於卿等意所志云何王大天者豈異人
乎莫造斯觀則吾是也時以^改上緣覺塔
以是福報於此地上為轉輪王不可稱數上
為天王天上世間受福無限一蓋餘福吾應
於世二千五百返為轉輪王王四天下阿難
又問世尊何故不受一蓋佛言是吾一世轉
輪王福所以捨置而不受者以此福報施後
末世受吾法化為弟子者學士學女欲令此

等不乞衣食床卧疾藥過去諸佛法沒盡時
其有學道或因恐怖或因飢窮不得行道正
法沒盡其有末世於吾法化捨家學道被服
法衣稱佛為師畜妻養子此等皆尚得人供
養何況精勤修奉禁戒守淨行者至吾法盡
不得供養耶羅閱祇王勅其教令於江上
更造新橋佛與聖衆得乘度江維耶離國亦
復造橋欲使佛過恒水諸龍遞相交編結龍
為橋請佛乘度時佛思惟若乘羅閱祇所造
橋度恐維耶離國及諸龍王心懷微恨乘維
耶離所造橋度恐阿闍世及龍懷恨欲乘龍
橋恐二王有恨佛又思惟今當分身令於三

橋皆有佛過佛垂臨橋王阿闍世與其將從
數億衆生香華雜寶伎樂供養佛法聖衆王
與群臣一切大衆數億千人五體投地自歸
悔過垂泣送佛佛現神化於二王橋及諸龍
橋皆現有佛與聖衆俱天龍鬼神垂橋度江
王舍國改王維耶離王恒水諸龍各自見其所
作橋上佛將大像乘橋度江谷九不知見更有
佛在餘橋上過獨自見橋佛蹬度江佛適度
江已竟見八萬四千餓鬼身出煙火其中未
得道者見此火皆恐怖是何大火譬如燒其
大山見此大火或來近水或遠於水阿難悉
知一切人意長跪叉手白佛言佛天中天佛

至尊至重天上天下最尊一切衆生見此火
者無不恐怖此何等火願佛爲一切衆生說
此何等之火佛語阿難今此餓鬼先世不逢
佛亦不聞法亦不見比丘僧亦不知世間有
罪福生爲餓鬼如今見佛奔趣歸向皆爲頭
面著地長跪叉手白佛言佛天中天至尊至
重天上天下憐愍一切衆生萌飛蠕動有秋
之類佛爲一切衆生之父母使我隨餓鬼佛
度我我亦如一切衆生之類佛亦知餓鬼先
世所種佛爲一切衆生故問餓鬼前世所種
行今爲餓鬼餓鬼曰先身雖見佛不知有佛
雖見法不知有法雖見比丘僧不知有比丘

僧我亦不作福教他人亦不作福作福有何
等福不作福有何種罪見人作福言恒笑之
見人作罪意常歡喜佛問餓鬼生此餓鬼之
中以來至今更歷幾百年歲餓鬼報言我生
中七萬歲佛問餓鬼生中七萬歲食飲何種
為得何食餓鬼報言我先世種行至惡遇值
小水即化不見改八至於大水便為鬼神龍羅刹
所逐言汝先世種惡今何以來近此江海雖
值大龍普天放雨謂呼得雨雨漬其身方更
礫石熱沙或值炭火以墮其身佛問餓鬼生
中七萬歲由來飲食何等餓鬼報佛言或有
世間父母親里稱其名字為作追福者便小

得食不作福者不得飲食諸餓鬼又于白佛
言從來飢渴佛天中天慈愍一切衆生今賜
餓鬼小飲食佛語阿難捉鉢取水用布施餓
鬼阿難便捉鉢取水與餓鬼餓鬼白佛言今
此一鉢水不飽一人況乃八萬四千佛語諸
餓鬼八萬四千捉此鉢水至心布施佛及諸
弟子諸八萬四千餓鬼捉此鉢水長跪布施
以我先世不布施今我生餓鬼中如今無所
有持此鉢水布施佛及諸弟子使諸餓鬼緣
此功德遠離三惡道後所生得師如佛無異
餓鬼過水與阿難捉水與佛嘗一口過
與千二百五十弟子各嘗一口佛語諸餓鬼

入大江飲水并可洗浴江海龍鬼神遮不得
洗浴飲水佛語海龍王及諸鬼神魚極之水
何以愛惜諸龍鬼神言不惜此水以餓鬼不
淨故佛語海龍王鬼神卿身自從無數劫已
來亦作此身愛惜無極之水卿後還作此身
以慳貪放生為餓鬼諸海龍王鬼神聞佛言
盡還入海聽諸餓鬼盡得飲水飽滿洗浴還
出遠佛三帀為佛作禮叉手白佛言佛天中
天知當來過去何時當脫此餓鬼之身佛言
以一鉢水故後當彌勒佛出世人壽八萬四
千歲現諸餓鬼盡得人身皆得阿羅漢道其
諸衆會聞此布施功德者皆得正真道意諸

一切餓鬼遠佛三币作禮而去維耶離國諸
王大臣長者居士國人無數五體作禮自投
佛足歸命三寶香華伎樂繒蓋幢幡奉迎世
尊華遍覆地尋路供養日日不絕至于國城
佛與聖衆天龍鬼神往于城門以金色臂德
相之午觸城門闕以梵清淨八種之聲而說
偈言

諸有衆生類

在土界中者

行住於地上

及虛空中者

慈愛於衆生

令各安息

晝夜勤專精

奉行衆善法

山

說此偈已地即為之六反大動佛便入城空
中鬼神昇空退散地行鬼神諍門競出城門

不容各各奔突崩城而出於時城中諸有不
淨廁穢臭惡下沈入地高界相從溝坑皆平
盲視聾聽瘖語躄行狂者得正病者除慳象
馬牛畜悲鳴相和篳篥樂器不鼓自鳴宮商
調和婦女珠環相撞妙響器物玩覲自然有
聲柔軟和暢妙法之音地中伏藏自然發出
一切衆生如遭熱渴得清涼衣服飲澡浴泰
然蘇息舉城衆病除愈解脫亦復如是佛與
大衆便還出城垂大慈哀欲為衆生施大擁
護遠城用帀門門咒願敷演妙法除凶致祥
普國疾患災疫悉除國界盡安於是才明前
禮佛足長跪叉手白世尊言前許垂愍唯願

改

十一十二

明日與諸大衆愍衆生故迴光願臨至舍蔬
食佛默聽許歡喜踊躍右達三帀禮佛而退
歸家供辦百味飯食清淨香潔色鮮味重嚴
飾家裏懸繒幡蓋床座統絃香汁灑地散華
燒香供設備辦遂於門中長跪燒香遙白佛
言幸時降神尔時世尊勅諸弟子著衣持鉢
行詣長者才明受請即到其門才明肅恭華
香伎樂請佛入舍佛與聖衆以次就位於時
才明執持金瓶躬行澡水手自斟酌上下平
等飯食畢訖重行澡水長跪叉手前白佛言
唯願世尊垂四等心更受三日如今之請佛
默便許於是才明供佛聖衆種種香潔如其

初日四日已竟以金色氎價直十萬次列上座九萬價氎以次轉下末下坐者萬錢價氎以為達觀其妻即起長跪又平白世尊曰唯天中天慈加人物願留神光受賤妾請更住心四日佛默然許其妻供養初日後日至于四日飯食香潔等無差異四日已竟又以金色十萬價氎奉^改上世尊次九萬氎最下萬錢時才明子起至佛前長跪又平白世尊言唯天中天已受父母各四日食幸垂慈哀憐愍受我四日之請佛亦默許其子恭勤四日供養飲食甘美亦如父母即以金色十萬價氎奉獻世尊次座九萬末下萬錢子婦又起長跪

白佛世尊弘慈已受翁姑及夫供養幸如前
比復受四日佛又默受所設肴饌如前無異
亦至四日亦以金色十萬價毘次座九萬下
座萬錢以為噤嘍居家大小於佛前坐奉受
訓誨佛為頌宣敷演四諦苦習盡道八賢聖
路斷除勞意二十二結證諦溝港維耶離國
諸王大臣長者居士闔國人民皆生心念佛
來至國為獨以一寸明故乎意皆懷嫌象馬
車步皆共來集向才明家欲壞其舍得見世
尊大眾震動響響有聲佛悉預觀故問阿難
外有何聲阿難白佛維耶離王大臣長者國
人巨細皆懷怨心世尊入國才明請歸獨回

在家至十六日餘不得見以此為嫌故集會
來欲見世尊佛告阿難出慰諸人莫賣恨意
欲見佛者便聽便人阿難宣命謂諸大眾以
啓聽入國王大臣及一切人間佛教告怒心
霍除無餘微恨如雨淹塵復入見佛五體投
地稽首佛足大眾浩浩其舍不容十四在外者衆
佛悉慈愍化才明為瑠璃表裏清徹悉
通相見於是才明為設床座氍毹毼毼種種
食具水精瑠璃金銀雜寶以為器物大眾食
訖於是才明前白世尊及諸貴賓居儉蔬食
枉屈願臨願以食器及床座具以相貢遺時
會大眾莫不愕然皆共嘆吒長者才明立名

不妄與德相副興設大施貢遺寶器莫不周
遍家中財寶豈可貲計四部弟子及與大眾
心皆懷疑長者才明有何功德請佛大眾至
十六日及王臣民供養貢遺周遍一國得服
甘露前世福耶今世德乎阿難即知衆會心
疑長跪叉手前白佛言大會懷疑長者才明
於何福田廣植德本遭何明師受其教誨今
逮影報財富無限心明行淨先服甘露唯願
世尊現說本行決一切疑佛告阿難及諸大
會一心善聽今當解暢心之所疑往世有城
名波羅柰去城不遠山名仙居山中池水林
樹華果快樂無比世有佛時與諸弟子遊處

其中若世無佛緣覺居中若無緣覺外學神
仙則居其中初無斷絕以是之故斯名仙居
時有緣覺在山中止早起澡漱法服持鉢出
山求食未至聚落遇暴風雨去道不遠有官
果園中有園監見有煙出道士往詣報語主
人行遇風雨幸聽入舍向火曝夜十五即請令入
取薪改然火為曝衣裳衣乾體暖風雨小歇著
衣欲出園監問曰唯聖道士欲何所至答曰
賢者一切有秋衣食為命吾捨家學道乞食
自存若不得食身命不濟諸根不定不能思
道園監對曰貧家蔬食色麁味酸若垂甘受
幸住勿行緣覺答曰學道求食不著色味充

軀而已。若相許食，便住不行。於是園監便歸，取飯至家，問婦：「飯食辨未？」對曰：「已辨。」其國食法分飯，別食。夫語婦曰：「取吾分來。」偶有要客，欲以食之。妻即念言：「夫為男子，當執勞役，涉冒寒暑假令，不食不能執勞。妻為女人在家，閑處可持。妾分以待此客，其子又言：『父母年老，便可自食。』以我分與其子。」婦曰：「翁姑及夫已許食，客妾年幼，批堪忍飢渴，乞以妾分持用。食客大人便言：『汝等各各善心，欲施可共減。』取衆人之分，足以食客。即便各減已之飯分。」園監又念道士衣裳裂壞，形露，因問其婦：「家中少有衣裳，調魚其妻對曰：『家中唯有一』」

領氈衣會賓應門更共衣之餘無所有夫答
婦言以前世時無所慧於今守貧賤不及逮
人今者不施貧窮下賤何時當竟富貴豪尊
衣食自然者皆是前世慧施之福今續慧施
無有馱足我亦不用會客應門改易服飾取
氈并飯家屬皆往到道士所澡改午奉食道士
食訖澡漱滌鉢四人奉氈共授緣覺十六即便衣
之緣覺不以說法教化現通神足悅寤衆生
令發道意告主人曰已能慧施供養道士堅
強汝志發弘誓願語竟昇空結跏趺坐住立
經行變現緣覺充滿虛空各各現化身出水
火水不滅火火不侵水若于變化乘空飛行

還仙居山園監眷屬歡喜踊躍又午作禮叩
頭求哀便發誓願以今日慧施聖明神聖道
士緣是福報離三惡道地獄餓鬼畜生之趣
所生之處常共聚會天上世間饒富安隱覺
慧道力服甘露味如聖明師若遭明師神德
殊勝佛告大眾時園監者則才明是妻息子
婦皆是本人尔時同心施尊緣覺自是已來
九十一劫不更三途受弘福報天上世間空
家聚會不相遠離尔時發願願服甘露覺道
得解遭殊勝師緣是之故今遭值我得遇勝
覺無限無喻今服甘露如其先師尔時大會
聞佛頌宣功德報應莫不歡喜心悅意清自

歸三寶佛法聖衆險結除解或受五戒或捨
家學道於是會中有四千人皆得道迹往來
不還無著之果無央數人發大乘意心不退
轉於是世尊起出其舍一切大衆稽首各退
佛與大衆遊至柰女林樹精舍柰女聞佛從
大聖衆至其樹園心喜無量即便嚴駕與其
僕從詣園見佛到下寶車如雲降電趨翔入
園如吉利天服飾姿容殊天玉女園樹諸天
莫不迴目佛見其然是魔使來壞敗淨戒定
慧解脫度知見品即以梵音告諸沙門柰女
來至各檢汝意各自執持精進力弓皆自嚴
辨智慧之矢被定意鎧棄禁戒車與塵勞戰

改八

十七

浹等當計女人所有欺誑一切如金塗錢皮
薄如蠅翅以覆惡穢筋骨連綴血肉之聚目
眇淡唾身體污垢若不洗拭作是計念觀女
人身以制迷惑色欲之意諦觀骨舍束縛以
筋塗以血肉覆以衣服飾以華綵猶如畫師
立牆以墍泥塗汗惡畫以彩色女入之身亦
復如是當諦計知除滅姪心夫欲學道先調
其心後可獲安不先調心後悔無及邪行迷
旋譬如攬馬臨其壽終願與意違終不解脫
其有視色心隨惑者無常計常若有樂想無
我計我不淨淨想慧覺無常若空不淨達如
是者即離長途生死患難佛以是教告諸弟

子皆其受持一心奉行柰女見佛如日出雲
金光照曜發清淨意五體投地稽首佛足却
坐一面佛告柰女女人情逸或著五欲汝御
心迴屈詣佛所樂妙法化是汝最利男子安
重塵勞垢薄樂受法化此不為奇女人纏綿
塵勞羅網盤旋周憶不識出要一而世間苦
空無常不可怙恃彊疾侵壯老失顏色死劫十九
壽命危侵安隱欲離是患專精受法勤修奉
行乃免斯苦女人怨憎相遇甚惡亦甚變慕
恩受之別凡為女人每不遠離於此二事是
故女人當勤奉法可離怨會恩受離別不復
遭遇生老病死衆苦都滅柰女聞佛若于妙

他女人之穢心懷慚愧即起長跪叉手白佛
願垂慈哀與聖衆俱至舍受食佛即默受於
是柰女稽首而退還歸辦具百味之食甘脆
精美張施幡蓋床座統絃香汁灑地燒香散
華長跪請佛日時已到願與聖衆垂迴臨赴
佛與弟子著衣持鉢至柰女家華香伎樂請
佛入舍各就座位叉手自斟酌行水奉食食訖
澡漱佛為廣說布施福報戒慎之果天人快
樂不得長久危亡別離不可恃怙唯四聖諦
八賢聖路以獲大安永無憂患心皆歡喜疑
除結解得須陀洹衆生懷疑柰女前世有何
功德從樹華生端正姝好賢者阿難知衆懷

疑長跪又手前白佛當衆坐。悉疑恚女前世
於何福田植何德本。今遇世尊服甘露藥佛
告阿難乃前過世迦葉佛時人壽二萬歲佛
事歿竟復捨壽命。尔時有王名曰善頭供養
舍利起七寶塔高一由延。一切衆生然燈燒
香華蓋繒綵供養。禮事時有衆女欲供養塔
便共相率掃除塔地時有狗糞污穢塔地有
一女人手撮除棄復有一女見其以手除地
狗糞便唾笑之曰汝手以汙不可復近彼女
逆罵汝弊姪物水洗我手便可得淨佛天人
師敬意無已手除不淨已便澡手遠塔求願
今掃塔地汙穢得除令我來世勞垢消滅清

淨無穢時諸女人掃塔地者今此會中諸女
人是尔時掃地願減塵勞服耳露味尔時以
手除狗糞女今柰女是尔時發願不與汗穢
會所生清淨以是福報不因胞胎臭穢之處
每因華生以其尔時發一惡聲罵言姪女故
今受是姪女之名佛為廣說善惡報應天上
世間榮樂歡娛三惡道苦更相吞噉愁毒号
哭尔時衆會聞佛所說歸命三尊佛法聖衆
除身口意奉行十善無央數人各於三乘建
立道意一切歡喜遠佛三帀作禮而去於是
世尊還至精舍
除恐灾患經

同二	細又	通	一	漲	時	也	石	也	安	珍	反	而	癘
閻	蟲而	牙音	母	向下	補扇	机	也磨	踪	奇上	羊疾音			
門若	動准	也第	要	及知	也反	居	瑩	竈音	音	瘕	一	例	
限本	類及	編	一	朽	蔬	正害	光紆	慘	酸	穰	一	疫	
也反	漬	織音	約音	腐	菜音	作反	飾定	悲七	蘇	也	檢	病	于
突	浸在	也邊	也邀	下上	也疎	几床	也反	感	辛官	反	也益		
一徒	智	蹬	廬	音許	斟	一	慙	也反	反	肌	反		
觸骨	反	鄧音	一力	父久	酌	一	去	愴	和音	一音	赫		
也	礫	蛸	舍居	反針	上	涎	過乾	傷初	和音	肉飢	呼		
溝	石	反紆	也反	悚	音	一上	也反	情狀	也叶	謹	盛	容	
坑	若上	細綠	反	息	帳	一紆	關音	也反	反	叛	音	也反	
侯上	反疑	蟲反	骨	懼勇	慢	坐遠	也藥	鈍	背音	真	音	誼	
反古	一作	飛又	也上	反	下上	禡反	也門	不徒	也畔	遺	也音		
蹇	灼燦	類狂	又力	藪	莫知	是下	門	利困	也	閱	反下	善	親
脚必	也詩	也軟	聚檢	無音	半向	也音	奄	也反	悅音	贈	惟也	一	
跋亦	泗	蠕	也反	水叟	及反	延	反一	礪	也反	綏	也醉	理	
也反	洗	軟音	收日	澤	水	繕	遽	例音	雖音	琦	穰		

